

Ammasumik ataatsimiinnermi oqaluuserisassat:

Imm. 01 Oqaluuserisassat akuersissutigineri.

Imm .02 Siulittaasup nalunaarutaa.

Aningaasaqarnermut tunngasut

Imm. 03 Balance-t.

Suliassat nalinginnaasut

Imm. 04 Qeqqata Kommunian ni nunaqarfimmi aqutsisut akisussaaffilersorneratigut suleriaatsimik nutarterisoqarnissaanut siunnersuut.

Imm. 05 “Nunaqarfimmi meeraaneq nuannersoq” Netsværksmøde Sisimiuni pikkorissaatigineqarnikuusoq pillugu pikkorissartitsisoqarsinnaaneranut siunnersut.

Imm. 06 3-4.Oktober 2015 inuussutissarsiutit pillugit isumasioqatigiinnissamut piareersaataasumik suleqatigineqartoq Lauritz Kreutzmann-ip oqarasuaatikkut ataatsimeeqatiginissaanut siunnersuut.

Imm. 07 VHF-radio –mut allagartartaarnissamut pikkorissaasoqarnissaanut siunnersuut.

Imm. 08 “Kangaamiut 260 år” Komité-p /Fritidslederillu nalliuttorsiornissaq pillugu killiffissiuineq.

Paasissutissiissutit

Imm. 09 Tuttut umimmaallu 2015-2016-milu piffissat piniarfiusussat tusarniaassut.

Imm. 10 Tamalaat.



*Nunaqarfimmi aqutsisut ileqquusumik ataatsimiinnerat.
10. Juni 2015 - Nal:13:00*

Ataatsimiinneq aallartippoq nal: 13:00

Peqataasut:

Atassut

Tønnes Kreutzmann
Arne Martinsen

Siumut

Barnabas Larsen

Nalunaaruteqarlutik peqataanngitsut: Albrichtine Lyngø

Nalunaaruteqaratik peqataanngitsut



Imm. 01 Oqaluuserisassat akuersissutigineri

Aalangiineq

Akuersissutigineqarput



Imm. 02 Siulittaasup nalunaarutai.

Ilanngussaq 1.
Siulittaasup nalunaarutai.

Aalajangiineq

Oqaasiinnartigut nalunaarutigineqarput:

- (B.L.) Nunap assiliortut pillugit paasissutissiivoq.
- (B.L.)Umimmaat tuttullu piniagaasarnerat pillugu tusarniutip akineqarnera



Imm. 03 Balance-t.

Maleruagassatigut tunngavissat.

Karseqarnermut ilanngussaq 1.

Balance-t.

Karseqarnikkut Qeqqata Kommunia-ta maleruagassaa.

Innersuussut

Allaffeqarfiup innersuussutigaa, ilaasortanit tusaatitigut tiguneqassasoq

Aalajangiineq

Tusaatitigut tiguneqarput



Imm. 04 Qeqqata Kommunia-ni nunaqarfimmi aqutsisut akisussaaffilersorneratigut suleriaatsimik nutarterisoqarnissaanut siunnersuut.

J.nr.01.10

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasua Tønnes Kreutzmann. Qeqqata Kommunia-ni nunaqarfimmi aqutsisut akisussaaffilersorneqarneragut suleriaatsimik nutarterisoqarsinnaanissamik KB-mut qinnuteqarnermi KB-miit itigartitsisoqarsimagaluartoq uniffiginagu Qeqqata Kommunia-ni nunaqarfimmi aqutsisoqarfiit siulittaasui peqatigalugit akisussaaffiit nutarterneqarsinnaanerinut siunissami qanoq ilusilikkamik alloriaqqittoqarnissamut tunngavissanik nalunaarusiornissamut KANUKOKA-miit Svend Møller-ip aggersarneqarluni peqatigineragut eqqartueqartigiiffigineqarnissaanik siunnersuut.

Pissutsit atuuttut:

Aqutsisut oqartussaaffiisa suleriaasiisalu nutarterneqarnissaat pineqarmat 2013-mi qinikkat pikkorissarneqarnerat kingulleq aallaavigalugu Svend Møller KANUKOKA-miit pikkorissaasutut ingerlatsinera tunngavigalugu taanna taaneqarpoq.

Siornaak nuna tamakkerlugu nunaqarfimmiut ataatsimeersuartinneqarnerat kinguneqartikkumallugu kiisalu pineqartup politikikkut nunaqarfimmi aqutsisuniit malersoqqinneqarnissaa kissaatigineqarmat tamanna qaqqinneqarpoq.

Aningaasaqarnikkut allaffeqarnikkullu kingunerisinnaasaai

Aningaasaqarnikkut kingunerisinnaasai sulii naatsorsuusiortoqanngilaq.

Innersuussut

Allaffeqarfiup innersuussutigaa, ilaasortat oqallisigalugu aalajangissagaat.

Aalajangiineq

Svend Møller attavigineqassaaq:

Qeqqata Kommunia-ni qullersaqarfik piunaffigineqassaaq

Budget Seminar-eqarnermi nunaqarfimmi aqutsisut piffissamik tunineqassasut.



**Imm. 05 “Nunaqarfimmi meeraaneq nuannersoq” Netsværksmøde Sisimiuni
pikkorissaatigineqarnikuusoq pillugu pikkorissartitsisoqarsinnaaneranut
siunnersut.**

J.nr.40.06

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasua Tønnes Kreutzmann. "Nunaqarfimmi meeraaneq nuannersoq" pillugu Qeqqata Kommunía-ta siorna Sisimiuni isumasioqatigisitseereernerata kingornagut "akimortumik suleqatigiit" netværksmøde nunaqarfitsinni pilersinneqarluni atuutilersinneqarnikuuvoq.

Ikaarsaariarnermi tamatumani killiffissiornissamut siunissamilu sulí pitsaanerusemik suleriuseqarnissaq anguniarlugu matumuuna siunnersuutigissavara nunaqarfitsinni meeqqaanut inuusuttuaqqanut isumaginninnerullu iluani suleriaqqinnissami KANUKOKA suleqatigalugu Kisia Bruun pikkorissaajartorsinnaanera anguniarneqassasoq.

Pissutsit atuuttut:

September 2013 Sisimiuni pikkorissassutigineqarpoq Kangaamiuninngaaniit nunaqarfimmi aqutsisut siulittaasua, allaffiup pisortaa, sagsbehandleri, pinaveersaartitsisoq, atuarfiup pisortaa, napparsimaveeqqamiit, ajoqi, kommunefoged-millu peqataaffigineqartumik. Tamatumalu kingorna nunaqqatigiinnut "Nunaqarfimmi meeraaneq nuannersoq" pillugu saqqummiussisoqarpoq kingornalu nunaqqatigiinnut paasissutisseeqqinnissaq kissaatigineqarmat ulloq manna tikillugu sulí qaqinneqaaqqinngilaq. Netsværksmøde-li atorpeqallattaavoq apeqqutaalluni kina aggersaanersoq.

Innersuussut

Allaffeqarfiup innersuussutigaa, tikisitsinngikkaluarluni pikkorissarnikut ingerlatitseqqiissasut.

Ilanngussaq 1.

Quppersagaq Netsværksmødet –suliakimorlugit suleqatigiinneq.

- Angajoqqaat sullissisullu suleqatigiikkaangata.

Aalajangiineq

KANUKOKA-miit Kisea Bruun Kangaamiunukartinneqarnissaa kissaatigineqarpoq.



Imm. 06 3-4.Oktober 2015 inuussutissarsiutit pillugit isumasioqatigiinnissamut piareersaataasumik suleqatigineqartoq Lauritz Kreutzmann-ip oqarasuaatikkut ataatsimeeqatiginissaanut siunnersuut.

J.nr.

Pissutsit atuuttut:

Oqaluuserisassanngortitsisoq nunaqarfimmi aqutsisut siulittaasua Tønnes Kreutzmann. 3-4.Oktober 2015 inuussutissarsiutit pillugit isumasioqatigiinnissamut piareersaataasumik allaffissornikkut suleqatigineqartoq Lauritz Kreutzmann ataatsimiinnissamut aggersarneqarnissaanut siunnersuut.

Innersuussut

Allaffeqarfiup innersuussutigaa, Lauritz oqarasuaatikkut ataatsimeeqatigineqassasoq.

Aalajangiineq

Qaaqqusinissaq pillugu allakkatigut attaveqatigiinnissaq aalajangiunneqarpoq.



Imm. 07 VHF-radio –mut allagartartaarnissamut pikkorissaasoqarnissaanut siunnersuut.

J.nr.03.20

Tunuliaqutaq:

Esra Rosing-ip allagaqaataai nunaqarfimmi aqutsisut siulittaasuata Tønnes Kreutzmann-ip oqaluuserisassatut akuersissutigivaa.

Kangaamiuni umiatsiaararsortunut soqtiginartillugu VHR-radio-mut allagartartaarniarnissaq pillugu allagaqarluni saaffiginnissutigivaa aningaasatigut Kommune aningaasaleerusussinnaanersoq paasiniarneqarpoq.

Neqeroorut aningaasartaqarpoq: 40.868,10 kroner.

Aningaasaqarnikkut allaffeqarnikkullu kingunerisinnaasai

Suli naatsorsuusiortoqanngilaq

Innersuussut

Allaffeqarfiup innersuussutigaa, ”Piareersarfik” suleqatigalugu ukiamut VHF radio –mut allagartartaarniarnissaq pillugu saaffiginnittoqassasoq. Ilaasortalli oqallisigalugu aalajangiissasut innersuussutigalugu.

Aalajangiineq

Aningaasanik taamak amerlatigisunik aningaasassaqqanngitsoq allakkatigut akissuteqarfigineqassaaq.

Allamilli periarfissarsiortoqartoq.



Imm. 08 “Kangaamiut 260 år” Komité-p /Fritidslederillu nalliuttorsiornissaq pillugu killiffissiuineq.

J.nr: 03.19

Tunuliaqutaq:

Oqaluuserisassanngortitsisoq nunaqarfimmi aqutsisut siulittaasua Tønnes Kreutzmann. 09.Marts 2015 ataatsimiinnermi isumaqatigiissutigineqarpoq tullissaanut ataatsimiinnissamut ulloq 15.April 2015 nalliuttorsiornermi suut qanorlu ingerlanneqarnissaannut suleqatigiisitaliakkaat sukumiinerusumik saqqummiussaqaassat taakkulu aningaasatigut matussuserneqarnissaanut il.il. inissinneqassallutik.

Pissutsit atuuttut:

Nunaqarfimmi aqutsisunut ilaasortap Barnabas Larsen -ip siunnersuuteqarneragut suliaq aallartinnikuuvoq, ulloq 29/01-2015 nunaqarfimmi aqutsisut siulittaasuat Tønnes Kreutzmann siunnersuuteqarpoq aalajangersimasunik inuttalersuinikkut suliat aallartisapallanniarlugit ingerlasoqasasooq. Kristian Willumsen – Kirsten Petrussen Sofiaaraq O Petrussen allaffigineqarput ataatsimiinnermut peqataajartoqqullugit.

Ulloq 9.Marts 2015 ataatsimiinnermi kissaatigineqarpoq nunaqarfimmi aqutsisut ataatsimeeqqilerpata ulloq 15.April 2015 aggersarneqaaqqissasut.

Allaffeqarfiup naliliinera:

Allaffeqarfik isumaqarpoq suliniut pitsaasuusoq siunniunneqarsimasullu piviusunngortinniarneqartariaqartut.

Innersuussut:

Allaffeqarfiup innersuussutigaa aggersarneqarsimasut peqatigalugit killiffissiuisoqassasooq.

Aalajangiineq



Paasissutissiissutit

Imm. 09

- Tuttut umimmaallu 2015-2016-milu piffissat piniarfiusussat tusarniaassut.
- Kangaamiuni nunaqarfimmi aqutsisut ataatsimiinnerani imaqarniliaq ulloq 13/5/2015.
- Allaffiup pisortaata nalunaarutaa qaammat Maj 2015

Innersuussut:

Allaffeqarfiup innersuussutigaa paasissutissiissutit tusaatissatut tiguneqassasut.

Aalajangiineq

Akuerineqarput



Imm. 10 Tamalaat.

- Inuiattut ullorsiornermi 21/6/2015 siulittaasoq oqaaseqassaaq (T.Kr.)
- Maniitsumi qatserisartut ittuat Kangaamiuliassaaq ulloq 13/6/2015



Nunaqarfimmi aqutisut ileqquusumik ataatsimiinnerat.
10. Juni 2015 - Nal:13:00

Ataatsimiinneq naammasisvoq. 15:15

